

中国边疆研究资料文库·边疆史地文献初编

西南邊疆

第三輯

中国边疆研究资料文库·边疆史地文献初编

西南邊疆

第三輯

續黔書

張澍撰

續黔書自敘

武威張 樹纂

辛卯之四月余既改外職七月簪得黔之玉屏客有過予寓者輒問曰黔之天則蠻煙焚雨黔之地則鳥道蠶叢其人則紅獐紫蓋其俗則鴟張鼠伏宦斯土者遑遑鄙夷之願旦夕即去若陋不可居者今子何眎之易而樂往焉予曰予誠不知人之何以裹足於黔而予之眎黔則猶齊州也昔者莊躋盜兵唐蒙略地而道通漏臥臣屬斯榆迨夜郎爵王牂柯置守馬忠典郡東謝請朝雖屬羈縻亦奉征調二路十二郡李唐乃有貴州之稱八番十八衛明世而有專藩之設泉入聖朝易椎髻而冠裳之刊枿莽而郡縣之剗叩籠而守圉之百餘年來蓋浸浸乎濟美華風矣且其鑠錫兜鍪可圖王會也蘆笙箛篥可入國風也木瓜金筑沿革可稽也鼉磯龍洞幽勝可探也白水碧雲奇情可詠也諸葛禰牙之地李恢鏖戰之方尹珍讀書之宅山圖尋藥之厓可題襟而散煩胸也豈僅睠懷遷謫之李白客曰我之所慮者以其地苗獍叢聚裸剽左言不知文字悍獠好殺攻劫畔亂不可以中國之治治也而子又年少吾是以云余笑曰子奇之爲阿邑令子其知之矣虞詡之爲朝歌宰我其試之矣夫狇獠狔狔之屬亦人耳昔也聞干羽而格今則恃爪牙爲難吾未之能謀也儻使撫綏有方恩威兼濟則可以致其死力而又奚患之生善乎馬平主簿孔性善之言曰谿洞蠻獠雖常梗化亂豈無因昔陳景文爲令猺獠皆應差徭厥後撫字乖方始乃反

續黔書 自敘

二

側誠使守令得人。示以恩信。諭以旤福。亦當革心。而田禾叔亦云。邊方之官。非有爲不足戢亂。非有守不足服人。非久任不能諳土俗。是誠治夷之寶鑒也。予不敏。翬翬孟晉之矣。客喜而退。知予非徒言之也。今采掇方俗。爲黔中紀聞。以田霞綸先生著黔書。改曰續黔書。次其言爲敘。以正鴻筆麗藻之君子。嘉慶九年六月十五日。

續黔書目錄

卷一

星野

地界

捍水議

苗警

驛站

夫馬

治盜

毒蟲

假銀

詛盟

茂學篇

修文昌宮記

續黔書 目錄

續黔書

續 齡 書 目 錄

卷二

祭三閭大夫文

竹王

莊蒙

馬王辯

黑神

北陰神

柴沖大王

李白至夜郎辯

懷白亭

王昌齡墓

謁王陽明先生祠記

十八先生墓

盤瓠

紫姑

卷三

黔中

夜郎

龍標

廢牂柯郡

牂柯江

羅甸

八番

銅仁

苟扁洞

豚水

卷四

萬卷書巖

游紫氣山記

游東山記

續黔書
目錄

續 黔 書 目 錄

重游東山記

飛鳳山

游白雲山記

梵淨山

游飛雲巖記

游黔靈山記

游牟珠洞記

鮎魚洞

諸葛洞

響琴峽

相見坡

聖泉

卷五

多雨

歧舌

醫方刻石

石刻

俗字

川字

釐字

生六男

化虎

呪尸爲魚

石棺

人疴

風鬼

鐘鬬

馬化石

雷擊六人

卷六

續
書

目錄

續黔書 目錄

官鑄

鹽

茶

女酒

革器

洞錦

鐵笛布

金星硯

神黃豆

鮮答

燕麥

羊肚菌

降真香

卷七

梓柑

粗

叩竹

重臺蓮

蘭

長壽草

朱草

海棠

蠟樹

卷八

孝獸

豪蕨

水馬

小羊

箐雞

人首魚

續黔書

目錄

續黔 奢 目錄

鱸魚

小蟹

圓蛇

哪哪

九香蟲

續黔書卷之一

星野

武威張

西昌縣

漢武帝設益州。領越巂、犍爲、牂柯三郡。今越巂、犍爲屬蜀。牂柯所隸二十四邑。貴陽以上皆山地也。陳卓謂牂柯入參五度。而班固謂東井輿鬼。秦之分野。西南牂柯越巂二州。皆宜屬焉。常璩華陽國志云。牂柯上當天井。則自平越以上。其爲參井無疑。沈思克獨以鎮遠、銅仁、思州、黎平爲柳星之餘。夫全楚之分。沅、湘、長沙、武陵、桂陽、零陵。以及白帝、房陵、南郡、江夏。皆屬翼軫。黔實近楚。則思州、思南、銅仁、鎮遠、石阡、黎平六府。當爲翼軫之餘。非注張也。

地界

玉屏舊屬楚衛。田止軍屯。自國朝雍正五年。裁衛設縣。始隸黔。劃麻沅兩屯歸楚。僅存一平屯。分爲兩甲。一甲二十戶。二甲十三戶。共三十三戶。亦甚畸零矣。而田疇或隸於楚之芷江。或隸於銅仁。或隸於清谿。或隸於思州。毋亦非分置畫井之道乎。然予稽察輿圖。不獨玉屏也。黔之州縣皆然。有所屬鄉邨。去治三四百里者。有城門之外。卽爲鄰屬者。有此州之地。併入他縣。他縣之地。併入此州者。又有管轄之地。中多隔越。或距境一二百里。或隔三四州縣。而地丁名糧。亦隸於他縣者。又有衛所之屯。與民地相連。浸久而

續黔書 卷一

二

迷其版籍。遇有審訊案件。提拘不至。則曰。我某縣籍也。及於某縣有犯。則又曰。我某縣籍也。盜賊之越貨。禦人有司者。捕之輒歛。忽往來。莫可蹤跡。適足以數奸誨誦。雖有保甲。不能行也。甚則越佃占水。訟牒不已。至於爭鬪殺傷事變。胡可勝言。周禮形方氏掌制邦國之地域。而正其封域。無有華離之地。誠使畱心國計之大吏。繪圖入告。爲之改其幅員。均其大小。正其錯互。清其軍民。吾知地邑民居。必參相得。有司亦獲以盡其撫綏之方。則訟獄息而風俗淳矣。昔子輿氏告戰國之君。猶以爲經界不正。則土地不均。穀祿不平。然則正經界固仁政之首務哉。

附舟抵玉屏境詩

書巖環芷水。風景最雙清。樹杪交帆影。山中答櫓聲。蘇塗石寺小。井幹竹樓輕。江上乘舟客。回頭眎使旌。

捍水議

玉屏雖叢爾邑。爲黔門戶。扼楚咽喉。形勢據其衝要。而城濱大江。每多水患。勝國天順二年。隆慶三年。天啓元年。屢被潰決。入國朝。康熙二十七年。五十九年。泉乾隆元年。二十一年。四十四年。並遭洪流。民居蕩析。近者值雨澤浸多。水輒至康衢。余承乏之三月。陰霖日久。撫江暴漲。驚濤潰薄。水不入閘者僅尺許。心甚憂之。蓋江流自清浪入熊谿。城西有獅子峯。雄踞江口。水無所泄。其怒北有鎮平。玉屏兩山作障。則水不得不折而東。而城當其衝。下流則書巖蓮峯。隔江夾峙。崎岸旣狹。疏瀉未易。勢亦逾奮迅。倘山潦衝溢。則水必不能敵山以行。而與城爲難矣。是吾無止水之防。而非水自潰其防也。吾無容水之地。而非水據

吾之地也。移城以避之。則費巨。費巨則庸愚駭。委城以與之。則殃民。殃民則蒼旻怒。且如國家設有司之。謂何。暇日步郊垌。相地勢。思有以捍之。議自北門至館驛。取江中巨石。砌之爲塘。高一丈。仍於土石堆積之處。掘之以壯江身。俾廊而有容。用工不過百人。爲期不過一月。則居民可免淪胥之患。陽侯不得憑汎濫之威矣。會余調署遵義。不果行。姑存其議。以俟後之克舉者。

附鎮平山詩

蘭若背江開。題襟避暑來。羣峯青鞵屐。一水綠莓苔。慈竹縈衰帶。簷花落酒杯。坐深雲罨靄。長念咒龍才。

苗警

楚南鎮筸。與黔之銅仁接壤。箐深地阻。蠢苗蠡聚。性獷悍甚。攻闕劫殺。無日無之。每扇煽銅苗。輒與之犄角。壬戌年穀不登。越貨於路。塗之人咸裹足焉。屈歲莫。鳩合醜類。刑牲壯穆廟。號其魁爲大王。期以正月十六日犯銅仁。玉屏與銅密邇。汛兵五十。前撥三十駐正大營。存者僅二十耳。城垣傾積。無巖置足守。邑之人讐於竹山之役。嘉慶二年事咸覩覩焉。驚余謂屏邑雖小。苗不足憂也。龍塘當印水之衝。界牌扼鬼廬之要。地險旣得。防守斯宜。城北六十里之蠟巖。苟選鄉兵數百。占護山梁。則銅仁施谿六洞水銀寺山之苗。不能至。城南六十里之壩坪。苟選鄉兵數百。碁布澗谷。則南路革谿。天塘之苗。西路新谿。南洞之苗。至則授命。北有平江。鴻波瀾盪。不可以厲。檄漁人而藏其舟楫。苗豈能飛渡耶。余旣以解父老之惶惑。方欲召募壯勇。部署糗糧。執梃以爲袂徒先。會鳳凰廳傳司馬率健兒至。誘其渠擒之餘。各鳥獸散矣。聞達者荆